

Qinersineq pillugu nassuiaat.

(Inatsisartunut sivisunerpaamik ilaasortaasimasoq)

Saqqummiussissut.

Kalaallit Nunaanni Inatsisartunut qinersisarneq pillugu Inatsisartut inatsisaat nr. 9, 31. oktober 1996-imeersoq kingusinnerusukkullu allannguuteqartinneqartoq naapertorlugu Inatsisartunut ilaasortat ukiuni sisamani ilaasortaasussatut qinigaasarput. Qinigaaffik ullormit qinersiffimmit naatsorsuunneqartarpoq.

Qinersinermut Ataatsimiititaliaq qinersinermut allattaavimmik immersuissaaq tassani taaneqarsimassallutik kikkut qinigaasimanersut, soorluttaaq qinersinermut atatillugu pisimasut erseqqissumik nassuiaatigineqassasut.

Qinersinerup kingorna qinersinermut siulersuisut qinersinermi atortunik Qinersinermut Ataatsimiititaliamut nassiussisarput. Qinersinermi atortut taakku ulloq 11. juni 2009-mi tiguneqarput Qinersinermullu Ataatsimiititaliap qinersisarnermut inatsimmi § 49 naapertorlugu qinersineq inaarutaasumik akuersissutigaa.

Qinersinermut Ataatsimiititaliap Inatsisartunut ilisimatitsissutitut nassiutissavaa qinersinermut allattaavik immersorsimasani sinniisussanik nalunaarsuiffik ilanngullugu.

Qinersinermut Ataatsimiititaliap aalajangiineri allangortinneqarsinnaangillat.

Qinersinermut allattaavik ilisimatitsissutitut agguanneqarpoq.

Qinersinermut allattaavimmi Inatsisartunut ilaasortatut qinigaasut taakkulu sinnisussaattut nalunaarsukkat innersuussutigaaqka, matumalu kingorna ullormut oqaluuserisassaq taanna naammassineqarpoq.

